

**15 апреля 2020 года**

**Страстная седмица**

**ВЕЛИКАЯ СРЕДА**

**Последование утрени  
для домашнего (келейного) совершения**

**УТРЕНЯ**

Молитвами святых отец наших, Господи Иисусе Христе, Боже наш, помилуй нас. **Аминь.**

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. **Трижды, и три поклона.**

Слава Отцу, и Сыну, и Святому Духу, и ныне и присно, и во веки веков. **Аминь.**

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

**Господи, помилуй. Трижды.**

**Слава, и ныне:**

Отче наш, Иже еси на Небесех, да святится имя Твое, да приидет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**[Яко Твое есть Царство и сила и слава во веки. Аминь. (Мф. 6: 9-13)]**

**Господи, помилуй, 12.**

**Слава, и ныне:**

**Приидите, поклонимся Цареве нашему Богу.**

**Приидите, поклонимся Христу, Цареве нашему, Богу.**

**Приидите, поклонимся и припадём Самому Христу, Цареве и Богу нашему.**

## ДВУПСАЛМИЕ

### Псалом 19

Услышит тя Господь в день печали, защитит тя имя Бога Иаковля. Послет ти помощь от Святаго и от Сиона заступит тя. Помянет всяку жертву твою, и всесожжение твое тучно буди. Даст ти Господь по сердцу твоему и весь совет твой исполнит. Возрадуемся о спасении твоём и во имя Господа Бога нашего возвеличимся. Исполнит Господь вся прошения твоя. Ныне познах, яко спасе Господь Христа Своего, услышит его с Небес Святаго Своего, в силах спасение десницы Его. Сии на колесницах, и сии на конях, мы же во имя Господа Бога нашего призовём. Тии спяти быша и падоша, мы же востяхом и исправихомся. Господи, спаси царя и услыши ны, вонже аще день призовём Тя.

### Псалом 20

Господи, силою Твоею возвеселится царь и о спасении Твоём возрадуется зело. Желание сердца его дал еси ему, и хотения устну его неси лишил его. Яко предварил еси его благословением благостынным, положил еси на главе его венец от камене честна. Живота просил есть у тебе, и дал еси ему долготу дней во век века. Велия слава его спасением Твоим, славу и велелепие возложиши на него. Яко даси ему благословение во век века, возвеселиши его радостью с лицом Твоим. Яко царь уповает на Господа, и милостию Вышняго не подвижится. Да обрящется рука Твоя всем врагом Твоим, десница Твоя да обрящет вся ненавидящия Тебе. Яко положиши их яко пещь огненную во время лица Твоего, Господь гневом Своим смятет я, и снесть их огонь. Плод их от земли погубиши, и семя их от сынов человеческих. Яко уклониша на Тя злая, помислиша советы, ихже не возмогут составить. Яко положиши я хребет, во избытцех Твоих уготовиши лице их. Вознесися, Господи, силою Твоею, воспоём и поём силы Твоя.

Слава, и ныне:

**Трисвято́е.** Слава, и ныне: Пресвятая Троице:

Господи, помилуй. **Трижды.** Слава, и ныне: Отче наш:

**И тропари:**

Спаси Господи люди Твоя, / и благослови достояние Твое, / победы на сопротивныя даруя, / и Твое сохраняя Крестом Твоим жительство.

Слава: Вознеси́ся на Крест волею, / тезоименитому Твоему новому жительству / щедроты Твоя даруй, Христэ́ Бо́же, / возвесели́ нас силою Твоею, / победы́ да́я нам на сопостаты́, / посobie имущим Твое́ ору́жие ми́ра, / непобедимую победу́.

**И ны́не:** Предста́тельство стра́шное и непосты́дное, / не прэ́зри Благо́я моли́тв на́ших, Всепе́тая Богоро́дице, / утверди́ правосла́вных жи́тельство: / спаси́ лю́ди Твоя́, и пода́ждь им с небесе́ побéду, / зане́ родила́ еси́ Бóга, еди́на благослове́нная.

**Гóсподи, помíлуй. 12.**

**Сла́ва, и ны́не:**

### **ШЕСТОПСАЛМИЕ**

**Сла́ва в в́ышних Бóгу, и на земли́ мир, в челове́цах благоволе́ние. Трижды.**

**Гóсподи, устне́ мой отвéрзеши, и уста́ моя́ возвестя́т хвалу́ Твою́. Дважды.**

#### **Псалом 3**

**Гóсподи, что ся умно́жиша стужа́ющи ми́? Мно́зи востаю́т на мя, мно́зи глаго́лют души́ мое́й: несть спасе́ния ему́ в Бóзе его́. Ты же, Гóсподи, Засту́пник мой еси́, сла́ва моя́ и возно́сй главу́ мою́. Гла́сом мо́им ко Гóсподу воззва́х, и услы́ша мя от горы́ святы́я Свое́я. Аз усну́х, и спах, воста́х, я́ко Гóспо́дь засту́пит мя. Не убою́ся от тем люде́й, о́крест напа́дающих на мя. Воскресни́, Гóсподи, спаси́ мя, Бóже мой, я́ко Ты порази́л еси́ вся вражду́ющыя ми́ всу́е: зу́бы грешников сокруши́л еси́. Гóспо́дне есть спасе́ние, и на лю́дех Твои́х благосло́вение Твоё.**

**Аз усну́х, и спах, воста́х, я́ко Гóспо́дь засту́пит мя.**

#### **Псалом 37**

**Гóсподи, да не я́ростию Твое́ю обличи́ши мене́, ниже́ гне́вом Твои́м нака́жеша мене́. Я́ко стрéлы Твоя́ унзо́ша во мне, и утверди́л еси́ на мне ру́ку Твою́. Несть исцеле́ния в плóти мое́й от лица́ гне́ва Твоего́, несть ми́ра в костéх мои́х от лица́ грех мои́х. Я́ко беззакóния моя́ превзыдо́ша главу́ мою́, я́ко брeмя тяжкое отяготéша на мне. Возсмердéша и согни́ша раны́ моя́ от лица́ безумия́ моего́. Пострада́х и сляко́хся до конца́, весь день сeтуя́ хождáх. Я́ко лядвия́ моя́ напо́лнишася поругáний, и несть исцеле́ния в плóти мое́й. Озло́блен бых и смири́хся до зeла́, рыка́х от воздыхáния сeрдца моего́. Гóсподи, пред Тобóю все желáние моё́ и воздыхáние моё́ от Тебé не утайся. Сeрдце моё́ смятeся, оста́ви мя сíла моя́, и свет óчию мое́ю, и той несть со мно́ю. Дрyзи мои́ и и́скреннии мои́ прýмо мне прибли́жишася и ста́ша, и бли́жнии мои́ отдалéче мене́ ста́ша и нуждáхуся и́щущи дyшу мою́, и и́щущи злáя мне глаго́лаху сýетная и льстíвным весь день поучáхуся. Аз же я́ко глух не слы́шах и я́ко нем не отверзáяй уст свои́х. И бых я́ко человек не слы́шай и не имы́й во устéх свои́х обличeния. Я́ко на Тя, Гóсподи, упова́х, Ты услы́шиши, Гóсподи Бóже мой. Я́ко рех: да не когда́ порáдуют ми́ ся врази́**

мой: и внемда подвижати ся ногам моим, на мя велеречеваша. Яко аз на раны готѡв, и болѣзнь моя предо мною есть вѣну. Яко беззаконіе мое аз возвещу и попеку ся о гресѣ моем. Вразѣ же мой живут и укрепѣшася паче мене, и умножишася ненавидящии мя без правды. Воздающии ми злая возлагая оболгашу мя, зане гонях благостыню. Не остави мене, Господи Бѡже мой, не отступи от мене. Вонми в помощь мою, Господи спасения моего.

Не остави мене, Господи Бѡже мой, не отступи от мене. Вонми в помощь мою, Господи спасения моего.

### Псалом 62

Бѡже, Бѡже мой, к Тебѣ утреннюю, возжада Тебѣ душа моя, коль множицею Тебѣ плоть моя, в земли пусте и непроходне, и безводне. Тако во святем явихся Тебѣ, видети силу Твою и славу Твою. Яко лучши милость Твоя паче живѡт, устне мои похвалите Тя. Тако благословлю Тя в животѣ моем, о имени Твоем воздежу рuce мои. Яко от тука и масти да исполнится душа моя, и устнама радости восхвалят Тя уста моя. Аще поминах Тя на постѣли моей, на утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебѣ, мене же прият десница Твоя. Тии же все искаша душу мою, внидут в преисподняя земли, предадутся в руки оружия, части лисовом будут. Царь же возвеселится о Бѡзе, похвалится всяк кленыйся Им, яко заградѣшася уста глаголющих неправедная.

На утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебѣ, мене же прият десница Твоя.

Слава, и ныне:

Аллилуія, аллилуія, аллилуія, слава Тебѣ Бѡже. **Трижды, без поклонов.**

Господи помилуй. **Трижды.**

Слава, и ныне:

### Псалом 87

Господи Бѡже спасения моего, во дни возвах, и в ноци пред Тобю. Да внидет пред Тя молитва моя: приклони ухо Твое к молению моему, яко исполнися зол душа моя, и живѡт мой аду приближися. Привменен бых с низходящими в ров, бых яко человек без помощи, в мертвых свободь, яко язвеннии спящии во гробе, ихже не помянул еси кому, и тии от руки Твоей отриновени быша. Положиша мя в ровѣ преисподнем, в темных и сени смертней. На мне утвердѣся ярость Твоя, и вся волны Твоя навел еси на мя. Удалил еси знаемых моих от мене, положиша мя мерзость себе: предан бых

и не исхождах. Очи мой изнемогосте от нищеты, возвах к Тебе, Господи, весь день, вздох к Тебе рuce мой. Еда мертвыми твориши чудеса? Или врачеве воскресят, и исповедятся Тебе? Еда повесть кто во гробе милость Твою, и истину Твою в погйбели? Еда познана будут во тьме чудеса Твоя, и правда Твоя в земли забвенней? И аз к Тебе, Господи, возвах и утро молитва моя предварит Тя. Вскую, Господи, отрееши душу мою, отвращаеши лице Твое от мене? Нищ есмь аз, и в трудех от юности моея; вознес же ся, смирихся, и изнемогах. На мне преидоша гнѣви Твои, устрашения Твоя возмутisha мя, обидоша мя яко вода, весь день одержаша мя вкупе. Удалил еси от мене друга и искренняго, и знаемых моих от страстей.

Господи Бже спасения моего, во дни возвах, и в ноци пред Тобю. Да внидет пред Тя молитва моя: приклони ухо Твое к молению моему.

### Псалом 102

Благослови, душе моя, Господа, и вся внутренняя моя имя святое Его. Благослови, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от истления живот твой, венчающего тя милостию и щедротами, исполняющего во благих желание твое: обновится яко орля юность твоя. Твори милостины Господь, и судьбу всем обидимым. Сказав пути Своя Моисею, сыновом Израилевым хотения Своя: Щедр и Милостив Господь, Долготерпелив и Многомилостив. Не до конца прогневается, ниже во век враждует, не по беззаконию нашему сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят восточцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет, яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на Небесех уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящии слово Его, услышати глас словес Его. Благословите Господа вся Силы Его, слуги Его, творящии волю Его. Благословите Господа вся дела Его, на всяком месте владычества Его, благослови, душе моя, Господа.

На всяком месте владычества Его, благослови, душе моя, Господа.

## Псалом 142

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвые века. И уны во мне дух мой, во мне смятеса сердце мое. Помянух дни древния, поучихся во всех делех Твоих, в творениих руку Твоею поучахся. Воздох к Тебе рuce мой, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне, Господи, путь вонже пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Услыши мя, Господи, в правде Твоей и не вниди в суд с рабом Твоим.

Услыши мя, Господи, в правде Твоей и не вниди в суд с рабом Твоим.

Дух Твой Благий наставит мя на землю праву.

Слава, и ныне:

Аллилуия, аллилуия, аллилуия, слава Тебе, Боже. **Трижды.**

Господи, помилуй. **12.**

Слава, и ныне:

**АЛЛИЛУИЯ И ТРОПАРЬ**

Глас 8:

Аллилуия, аллилуия, аллилуия.

**Стих:** От нощи утренюет дух мой к Тебе, Боже, зане свет повеления Твоя на земли.

Аллилуия, аллилуия, аллилуия.

**Стих:** Правде научитесь живущии на земли.

Аллилуия, аллилуия, аллилуия.

**Стих:** Зависть примет люди ненаказанныя.

Аллилуия, аллилуия, аллилуия.

**Стих:** Приложит им зла, Господи, приложит зла славным земли.

Аллилу́ия, аллилу́ия, аллилу́ия.

**Тропарь, глас 8:**

**Се, Женіх грядёт в полунощи, и блажен раб, егóже обрящет бдяща: недостóин же паки, егóже обрящет унывающа. Блюди́ úбо, душе́ мой, не снóм отяготіся, да не смёрти предана́ будеши и Царствія вне затвори́шися, но воспряни́ зову́щи: Свят, Свят, Свят еси́, Бóже, Богорóдицею помілуй нас.**

**Слава: Се, Женіх грядёт в полунощи:**

**И ныне: Се, Женіх грядёт в полунощи:**

**КАФІЗМЫ И СЕДА́ЛЕН**

**Гóсподи, помілуй. Трижды.**

**Сла́ва, и ны́не:**

**И чтем кафісму 14-ю (зри Псалтирь)**

**Гóсподи, помілуй. Трижды.**

**Сла́ва, и ны́не:**

**По кафисме седáлен:**

**Блудни́ца приступи́ к Тебе́, міро со слезáми, изли́вающи на нóзе Тво́й, Человеколю́бче, и смра́да зол избавля́ется повелéнием Тво́им: дышá же благодáть Тво́ю учени́к неблагода́рный, сию́ отлага́ет и смра́дом одева́ется, сребролю́бием прода́я Тебе́: сла́ва, Христé, благоутрóбию Твоему́.**

**Гóсподи, помілуй. Трижды.**

**Сла́ва, и ны́не:**

**И чтем кафісму 15-ю (зри Псалтирь)**

**Гóсподи, помілуй. Трижды.**

**Сла́ва, и ны́не:**

**По кафисме седáлен:**

**И́уда льстец, сребролю́бия рачи́тельствуяй, преда́ти Тя, Гóсподи, Сокрóвище Животá, лёстно поучáшеся. Отонудуже и упівся, течёт ко иудéом, глаго́лет беззакóнным: чтó ми хóщете да́ти, и аз вам преда́м, во éже распя́ти Егó?**

**Сла́ва, и ны́не:**

### Другий седален:

**Блудница в плаче вопияше, Щедре, отираючи тепле пречистеи Твоей нозе власы главы своея, и из глубины стенищи: не отрини мя, ниже омерзй, Боже мой: но прими мя кающуюся, и спаси, яко един Человеколюбец.**

Господи, помилуй. **Трижды.**

От Иоанна Святаго Евангелия чтение.

Слава Тебе, Господи, слава Тебе.

### Евангелие от Иоанна (зачала 41 от полу – 43):

**Во время оно, свидетельствоваше народ сый со Иисусом, егда Лазаря возгласи от гроба, и воскреси его от мертвых. Сего ради и срете его народ, яко слышаша его сие сотворша знамение. Фарисее же реша к себе: видите, яко никакая же польза есть, се мир по Нем идет. Бяху же нецыи еллии от вшедших, да поклонятся в праздник. Сии убо приступиша к Филиппу, иже бе от Вифсайды Галилейския и моляху его, глаголюще: Господи, хощем Иисуса видети. Прииде Филипп и глагола Андрею: и паки Андрей и Филипп глаголаста Иисусови. Иисус же отвещая им, глаголя: прииде час, да прославится Сын Человеческий. Аминь, аминь, глаголю вам: аще зерно пшенично пад на земли не умрет, то едино пребывает: аще ли умрет, мног плод сотворит. Любяй душу свою, погубит ю: и ненавидяй душу свою в мире сем, в животе вечнем сохранит ю. Аще кто Мне служит, Мне да последствует: и идеже есмь Аз, ту и слуга Мой будет. И аще кто Мне служит, почтит его Отец Мой. Ныне душа Моя возмутися, и что реку? Отче, спаси Мя от часа сего: но сего ради приидох на час сей. Отче, прослави Имя Твое. Прииде же глас с Небесе: и прославих, и паки прослаблю. Народ же стояй слышав, глаголаху: гром бысть. Инии глаголаху: ангел глагола Ему. Отвещая Иисус и рече: не Мене ради глас сей бысть, но народа ради. Ныне суд есть миру сему: ныне князь мира сего изгнан будет вон. И аще Аз вознесен буду от земли, вся привлеку к Себе. Сие же глаголаше, назнаменуя, к бою смертию хотяше умерети. Отвещая Ему народ: мы слышахом от закона, яко Христос пребывает во веки: како Ты глаголеши, вознестися подобает Сыну Человеческому, кто есть сей Сын Человеческий? рече же им Иисус: еще мало время свет в вас есть: ходите, дондеже свет имате, да тьма вас не имет: и ходяй во тьме, не весть камо идет. Дондеже свет имате, веруйте во свет, да сынове света будете. Сия глагола Иисус, и отшед скрыся от них. Толика знамения сотворшу Ему пред ними, не вероваху в Него. Да сбудется слово Исаии**

пророка, еже рече: Господи, кто верова слуху нашему; и мьшца Господня кому открылся? Сего ради не можаху веровати, яко паки рече Исаиа. Слепи очи их, и окаменил есть сердца их, да не видят очима, ни разумют сердцем, и обратятя, и исцелю их. Сия рече Исаиа, егда виде славу Его, и глагола о Нем. Обаче убо и от князь мнози и вероваша в Него; но фарисей ради не исповедоваху, да не из сонмищ изгнани будут, возлюбisha бо паче славу человеческую, неже славу Божию. Иисус же воззва и рече: веруай в Мя, не верует в Мя, но в пославшаго Мя. И видяй Мя, видит пославшаго Мя. Аз свет в мир приидох, да всяк веруай в Мя, во тьме не пребудет. И аще кто услышит глаголы Моя и не верует, Аз не сужду ему: не приидох бо, да сужду миру, но да спасу мир. Отметайся Мене и не приемляй глагол Моих, иматъ Судящаго ему: слово еже глаголах, то судит ему в последний день. Яко Аз о Себе не глаголах: но пославый Мя Отец, Той Мне заповедь даде, что реку и что возглаголю. И вем, яко заповедь Его живот вечный есть: яже убо Аз глаголю, якоже рече Мне Отец, тако глаголю.

**Русский перевод:** В то время свидетельствовал народ, бывший с Иисусом, что Он вызвал из гроба Лазаря и воскресил его из мертвых. Потому и встретил Его народ, ибо слышал, что Он сотворил это чудо. Фарисеи же говорили между собою: видите ли, что не успеаете ничего? весь мир идет за Ним. Из пришедших на поклонение в праздник были некоторые Еллины. Они подошли к Филиппу, который был из Вифсаиды Галилейской, и просили его, говоря: господин! нам хочется видеть Иисуса. Филипп идет и говорит о том Андрею; и потом Андрей и Филипп сказывают о том Иисусу. Иисус же сказал им в ответ: пришел час прославиться Сыну Человеческому. Истинно, истинно говорю вам: если пшеничное зерно, пав в землю, не умрет, то останется одно; а если умрет, то принесет много плода. Любящий душу свою погубит ее; а ненавидящий душу свою в мире сем сохранит ее в жизнь вечную. Кто Мне служит, Мне да последует; и где Я, там и слуга Мой будет. И кто Мне служит, того почтит Отец Мой. Душа Моя теперь возмутилась; и что Мне сказать? Отче! избавь Меня от часа сего! Но на сей час Я и пришел. Отче! прославь имя Твое. Тогда пришел с неба глас: и прославил и еще прославлю. Народ, стоявший и слышавший то, говорил: это гром; а другие говорили: Ангел говорил Ему. Иисус на это сказал: не для Меня был глас сей, но для народа. Ныне суд миру сему; ныне князь мира сего изгнан будет вон. И когда Я вознесен буду от земли, всех привлеку к Себе. Это говорил Он, давая разуметь, какую смертью Он умрет. Народ отвечал Ему: мы слышали из закона, что Христос пребывает вовек; как же Ты говоришь, что должно вознесенным быть Сыну Человеческому? Кто Этот Сын Человеческий? Тогда Иисус сказал им: еще на малое время свет есть с вами; ходите, пока есть свет, чтобы не объела вас тьма: а ходящий во тьме не знает, куда идет. Доколе свет с вами, веруйте в свет, да будете сынами света. Сказав это, Иисус отошел и скрылся от них. Столько чудес сотворил Он пред ними, и они не веровали в Него, да сбудется слово Исаии пророка: Господи! кто поверил слышанному от нас? и кому открылась мышца Господня? Потому не могли они верить, что, как еще сказал Исаия, народ сей ослепил глаза свои и окаменил сердце свое, да не видят глазами, и не уразумеют сердцем, и не обратятя, чтобы Я исцелил их. Это сказал Исаия, когда видел славу Его и говорил о Нем. Впрочем и из начальников

многие уверовали в Него; но ради фарисеев не исповедовали, чтобы не быть отлученными от синагоги, ибо возлюбили больше славу человеческую, нежели славу Божию. Иисус же возгласил и сказал: верующий в Меня не в Меня верует, но в Пославшего Меня. И видящий Меня видит Пославшего Меня. Я свет пришел в мир, чтобы всякий верующий в Меня не оставался во тьме. И если кто услышит Мои слова и не поверит, Я не сужу его, ибо Я пришел не судить мир, но спасти мир. Отвергающий Меня и не принимающий слов Моих имеет судью себе: слово, которое Я говорил, оно будет судить его в последний день. Ибо Я говорил не от Себя; но пославший Меня Отец, Он дал Мне заповедь, что сказать и что говорить. И Я знаю, что заповедь Его есть жизнь вечная. Итак, что Я говорю, говорю, как сказал Мне Отец.

Сла́ва Тебе́, Го́споди, сла́ва Тебе́.

### Псалом 50

Помилуй мя, Бо́же, по вели́цей ми́лости Твое́й, и по мно́жеству щедро́т Твои́х очисти беззако́ние моё. Наипа́че омьй мя от беззако́ния моего́, и от греха́ моего́ очисти мя; я́ко беззако́ние моё аз зна́ю, и грех мой предо мно́ю есть вьну. Тебе́ еди́ному согреши́х, и лука́вое пред Тобо́ю сотвори́х; я́ко да оправди́шия во словесе́х Твои́х, и победи́ши, внегда́ суди́ти Ти. Се́ бо в беззако́нных зача́т есмь, и во гресе́х роди́ мя ма́ти моя́. Се́ бо и́стину возлюбил еси́, безвѣстная и та́йная премудрости Твоея́ явил ми еси́. Окропи́ши мя иссо́пом, и очы́шуся; омьйеши мя, и па́че сне́га убелю́ся. Слу́ху моему́ да́си ра́дость и весе́лие; возра́дуются ко́сти смире́нныя. Отврати́ лице́ Твое́ от грех мои́х, и вся беззако́ния моя́ очисти. Серге́дце чи́сто сози́жди во мне, Бо́же, и дух прав обнови́ во утробе мое́й. Не отвержи мене́ от лица́ Твоего́, и Ду́ха Твоего́ Свята́го не отыми́ от мене́. Возда́ждь ми ра́дость спасе́ния Твоего́, и Ду́хом Влады́чним утверди́ мя. Научу́ беззако́нныя путе́м Твои́м, и нечести́вии к Тебе́ обратя́тся. Изба́ви мя от крове́й, Бо́же, Бо́же спасе́ния моего́; возра́дуется язы́к мой пра́вде Твое́й. Го́споди, устне́ мои́ отвѣрзеши, и уста́ моя́ возвестя́т хвалу́ Твою́. Я́ко а́ще бы восхотѣл еси́ же́ртвы, да́л бых у́бо: всесо́жже́ния не благоволи́ши. Же́ртва Бо́гу дух сокруше́н; Серге́дце сокруше́нно и смире́нно Бог не уничижи́т. Ублажи́, Го́споди, благоволе́нием Твои́м Сио́на, и да сози́ждутся стѣны́ Иерусали́мския. Тогда́ благоволи́ши же́ртву пра́вды, возноше́ние и всесо́жега́емая; тогда́ возложáт на олта́рь Твой тельцы́.

Го́споди, помилуй. Трижды.

Сла́ва, и ны́не:

## КАНОН

### Трипѣснец, творѣние господина Космы, глас 2:

#### Песнь 3

**Ирмос:** На камени мя вѣры утвердив, расширил еси уста моя на враги моя, возвесели бо ся дух мой внигда пѣти: несть свят, якоже Бог наш, и несть праведен, паче Тебѣ, Господи.

**Припѣв:** Слава Тебѣ, Божѣ наш, слава Тебѣ.

**Во тщѣтных соборище беззаконных, и мыслию собирается злонравною, осуждена Избавителя изрещи Тя, Христѣ. Емуже поем: Ты еси Бог наш, и несть свят паче Тебѣ, Господи.**

Слава Отцу, и Сыну, и Святому Духу, и ныне и присно, и во веки веков. Аминь.

**Лютый совет беззаконных, притворяется богоборныя души сущий, яко злоупотребна, праведнаго убити Христа. Емуже поем: Ты еси Бог наш, и несть свят паче Тебѣ, Господи.**

**Катавасия:** На камени мя вѣры утвердив, расширил еси уста моя на враги моя, возвесели бо ся дух мой внигда пѣти: несть свят, якоже Бог наш, и несть праведен, паче Тебѣ, Господи.

#### Кондак, глас 4:

**Паче блудницы, Блаже, беззаконновав, слез тучи никакоже Тебѣ принесох; но молчанием моляся припадаю Ти, любовью облобызая пречистей Твоей нозе: яко да оставление мне яко Владыка подаси долгов, зовущу Ти, Спасе: от скверных дел моих избави мя.**

**Икос:** Яже पहले блудница жена, внезапно целомудренна явися, возненавидевши дела студнаго греха и сладости телесныя, поминаючи студ многий и суд мучения, егоже претерпят блудницы и сквернии, от нихже первый есмь аз, и боюсь: но пребываю в злом обычаи безумный. Блудная же жена убоявшись, и потщавшись скоро прииде, вопиючи ко Избавителю: Человеколюбче и Щедре, от скверных дел моих избави мя.

#### Песнь 8

**Ирмос:** Глагол мучителей понеже превозможе, седмерицею печь разжжена бысть иногда, в нейже отроцы не опалишася, цареву поправше веление, но вопияху: вся дела Господня Господа пойте и превозносите во вся веки.

Сла́ва Тебе́, Бо́же наш, сла́ва Тебе́.

**Излива́ющи жена́ ми́ро честнóе, Влады́чню и Божéственному Стра́шному верху, Христé, следóв Твои́х пречы́стых прикосну́ся осквернёныма длáнма и вопия́ше: вся дела́ Господня́ Го́спода по́йте и превозно́сите во вся ве́ки.**

Сла́ва Тебе́, Бо́же наш, сла́ва Тебе́.

**Слезáми омыва́ет но́зе, повинная грехóм, Созда́вшего и отира́ет власы́ Своими́. Тёмже в жити́й соде́янных не погреш́и избавлénия, но вопия́ше: вся дела́ Господня́ Го́спода по́йте и превозно́сите во вся ве́ки.**

Благословим́ Отца́, и Сы́на, и Свята́го Ду́ха, Го́спода, и ны́не и при́сно, и во ве́ки веко́в. **Ами́нь.**

**Священноде́йствуется избавлénие благона́вней, от спаси́тельных утроб́ же и слез исто́чника, в Нёмже исповéданием измы́вшись, не стыдя́шеся, но вопия́ше: вся дела́ Господня́ Го́спода по́йте и превозно́сите во вся ве́ки.**

Хва́лим, благословим́, покланя́емся Го́сподеви, пою́ще и превозно́сяще во вся ве́ки.

**Катава́сия:** Глаго́л мучи́телей понéже превозмо́же, седмери́цею печь разжжéна бысть иногда́, в неёже óтроцы не опали́шася, царéво попра́вше велénие, но вопия́ху: вся дела́ Господня́ Го́спода по́йте и превозно́сите во вся ве́ки.

**Честнейшую не поем.**

## **Песнь 9**

**Ирмо́с:** Душа́ми чы́стыми и несквёрными устна́ми, прииди́те возвел́чим Несквёрную и Пречы́стую Ма́терь Емману́илеву, Ёю́же из Нея́ к Рожде́нному принося́ще моли́тву: пощади́ ду́ши на́ша, Христé Бо́же, и спаси́ нас.

Сла́ва Тебе́, Бо́же наш, сла́ва Тебе́.

**Неразу́мен явлься, и лука́в ревнообра́зник, дар достойно Божéствен слóвом продаёт, имже долг разреши́ся грехóв, кра́дый лю́тый Иу́да любобожéственную благода́ть, пощади́ ду́шы на́ша, Христé Бо́же, и спаси́ нас.**

Сла́ва Тебе́, Бо́же наш, сла́ва Тебе́.

**Глаго́лет шед беззакóнным князём: что́ ми хо́щете да́ти, и аз Христá вам искóмаго хотя́щим преда́м, присвоéние Христóво Иу́да отринувый злáтом; пощади́ ду́шы на́ша, Христé Бо́же, и спаси́ нас.**

Сла́ва Отцу́, и Сы́ну, и Свято́му Ду́ху, и ны́не и прісно, и во ве́ки веко́в. Ами́нь.

**О** слепотнаго сребролюбія, нечестіве, отонудуже забвѣние получил еси́, яко души́ никакоже равностоятелен мир, якоже научился еси́: отча́янием бо сам себе́ удавил еси́, вжѣгся, предателю: пощади́ души́ наша, Христѣ́ Бѣже, и спаси́ нас.

**Катавасія:** Душа́ми чістыми и несквѣрными устна́ми, приидіте возвеличим Несквѣрную и Пречістую Ма́терь Еммануїлеву, Ё́юже из Нея́ к Рожде́нному приносяще моли́тву: пощади́ души́ наша, Христѣ́ Бѣже, и спаси́ нас.

Го́споди, помілуй. **Трижды.**

Сла́ва, и ны́не:

**Ексапостиларій:**

**Черто́г Твой ви́жду, Спа́се мой, украше́нный, и оде́жды не ймам, да вни́ду в о́нь: просвети́ одея́ние души́ мое́й, Светода́вче, и спаси́ мя.**

Сла́ва:

**Черто́г Твой ви́жду, Спа́се мой, украше́нный, и оде́жды не ймам, да вни́ду в о́нь: просвети́ одея́ние души́ мое́й, Светода́вче, и спаси́ мя.**

**И** ны́не:

**Черто́г Твой ви́жду, Спа́се мой, украше́нный, и оде́жды не ймам, да вни́ду в о́нь: просвети́ одея́ние души́ мое́й, Светода́вче, и спаси́ мя.**

**ХВАЛИ́ТНЫ**

**Х**валіте Го́спода с небѣс; Тебе́ подобает песнь Бо́гу. Хваліте Го́спода с небѣс, хваліте Егѣ́ в вѣ́шних, Тебе́ подобает песнь Бо́гу. Хваліте Егѣ́, вси А́нгели Егѣ́, хваліте Егѣ́, вся Сі́лы Егѣ́; Тебе́ подобает песнь Бо́гу. Хваліте Егѣ́, со́лнце и луна́, хваліте Егѣ́, вся звѣ́зды и свет. Хваліте Егѣ́, небеса́ небѣс и вода́, і́же превѣ́ше небѣс, да восхва́лят І́мя Господне. Яко Той рече́, и бы́ша: Той повеле́, и созда́шася. Поста́ви я в век и в век ве́ка: повелѣние положи́, и не мі́мо і́дет. Хваліте Го́спода от земли́, змі́еве и вся бѣздны. О́гнь, град, снег, го́лоть, дух бу́рен, творя́щая сло́во Егѣ́. Го́ры и вси хо́лми, древа́ плодонѣсна и вси ке́дри. Звѣ́рие и всі́ скѣ́ти, гади и пті́цы перна́ты. Ца́рие зѣ́мстии и вси лю́дие, кня́зи и вси суди́и зѣ́мстии. Ю́ношы и дѣ́вы, ста́рцы с ю́нотами, да восхва́лят І́мя Господне, яко вознесѣ́ся І́мя Того́ Еди́наго. Исповѣ́дание Егѣ́ на земли́ и на небеса́. И вознесѣ́т рог люде́й Свои́х, песнь всем преподо́бным Егѣ́, сыновом Израї́левым, лю́дем, приближа́ющимся Ему́.

Воспойте Господеви песнь новую, хваление Его в церкви преподобных. Да возвеселится Израиль о сотворшем его, и сынове Сиони возрадуются о Царе своем. Да восхвалят Имя Его в лице, в тимпানে и псалтири да поют Ему. Яко благоволит Господь в людех Своих, и вознесет краткия во спасение. Восхвалятся преподобнии во славе и возрадуются на ложах своих. Возношения Божия в гортани их, и мечи обоюду остры в руках их: сотворити отмщение во языцех, обличения в людех связати царь их путь, и славы их ручными окovy железными.

**На 6:** Сотворити в них суд написан. / Слава сия будет всем преподобным Его.

Хвалите Бога во святых Его, / хвалите Его во утвержении силы Его.

### Стихиры на хвалитех, глас 1:

**На 4:** Хвалите Его на силах Его, / хвалите Его по множеству величества Его.

**Тебе, Девыя Сына, блудница, познавши Бога, глаголаше, в плачи молящися, яко слез достойная соделавшая: разреши долг, якоже и аз власы: возлюбь любящую, праведно ненавидимую, и близ мытарей Тебе проповем, благодетелю Человеколюбче.**

Хвалите Его во гласе трубнем, / хвалите Его во псалтири и гуслех.

**Многоценное миро блудница смесит со слезами, и излиет на пречистей ноге Твоей, облобызаящи: оную абие оправдал еси, нам же прощение даруй, пострадавый о нас и спаси нас.**

Хвалите Его в тимпানে и лице, / хвалите Его во струнах и органе.

**Егда грешная приношаше миро, тогда ученик соглашашеся пребеззаконным. Овая убо радовашеся, истощаящи миро многоценное: сей же тщашеся продати безценнаго. Сия Владыку познаваше, а сей от Владыки разлучашеся. Сия свободяшася, а Иуда раб бываше врагу. Люто есть леность, велие покаяние: еже мне даруй, Спасе, пострадавый о нас, и спаси нас.**

Хвалите Его в кимвалех dobroglasnykh, хвалите Его в кимвалех восклицания. / Всякое дыхание да хвалит Господа.

**О, Иудина окаянства! зряше блудницу целующую стопы, и умышляше лестию предания целование. Оная власы разреши, а сей яростию вязашеся, нося вместо мира злосмрадную злобу. Зависть бо не весть предпочитати полезное. О, Иудина окаянства! от негоже избави, Боже, души наша.**

### Сла́ва, глас 2:

**Грешная течё к міру, купи́ти многоце́нное міро, е́же пома́зати Благодётеля, и Миропода́телю вопи́йше: даждь ми міро, да пома́жу и аз Очи́стившаго вся моя́ грехи́.**

### И ны́не, глас 6:

**Погруже́нная грехо́м обре́те Тя, Приста́нище спасёния, виждь и міра со слеза́ми растворя́ющую, Тебе́ вопи́йше: виждь согреша́ющих покая́ния ожида́й, но, Влады́ко, спаси́ мя от волны́ грехо́вныя, вели́кия ра́ди Твоея́ ми́лости.**

Сла́ва Тебе́, показавшему нам свет.

### ВЕЛИКОЕ СЛАВОСЛОВИЕ

Сла́ва в вы́шних Бо́гу и на земли́ мир, в челове́цех благоволе́ние. Хва́лим Тя, Благослови́м Тя, кла́няем Ти ся, славосло́вим Тя, благодаримъ Тя вели́кия ра́ди сла́вы Твоея́ Го́споди, Царю́ Небе́сный, Бо́же, О́тче Вседержи́телю. Го́споди Сы́не Единоро́дный, Иису́се Христё, и Святы́й Ду́ше. Го́споди Бо́же, А́гнче Бо́жий, Сы́не Оте́чь, взёмляй грех ми́ра, помилуй нас; взёмляй грехи́ ми́ра, приими́ моли́тву на́шу; се́дяй одесну́ю Отца́, помилуй нас. Я́ко Ты еси́ Еди́н Свят, Ты еси́ Еди́н Госпо́дь, Иису́с Христос, во сла́ву Бо́га Отца́. **Ами́нь.**

На всяк день благословлю́ Тя и восхва́лю́ И́мя Твоё во ве́ки, и в век ве́ка.

Го́споди, Прибе́жище был еси́ нам в род и род. Аз рех: Го́споди, помилуй мя, исцели́ ду́шу мою́, я́ко согреши́х Тебе́. Го́споди, к Тебе́ прибего́х, научи́ мя твори́ти во́лю Твою́, я́ко Ты еси́ Бог мой, я́ко у Тебе́ исто́чник живото́а, во све́те Твоём у́зрим свет. Проба́ви ми́лость Твою́ ве́дущым Тя.

Сподо́би, Го́споди, в день сей без греха́ сохра́ниться нам. Благословён еси́, Го́споди, Бо́же о́тец на́ших, и хва́льно и просла́влено И́мя Твоё во ве́ки. **Ами́нь.**

Бу́ди, Го́споди, ми́лость Твоя́ на нас, я́коже упова́хом на Тя. Благословён еси́, Го́споди, научи́ мя оправда́нием Твои́м. Благословён еси́, Влады́ко, вразуми́ мя оправда́нием Твои́м. Благословён еси́, Святы́й, просвети́ мя оправда́нии Твои́ми.

Го́споди, ми́лость Твоя́ во век, дел руку́ Твоею́ не прёзри. Тебе́ подоба́ет хвала́, Тебе́ подоба́ет пе́ние, Тебе́ сла́ва подоба́ет, Отцу́, и Сы́ну, и Свято́му Ду́ху, ны́не, и прісно, и во ве́ки веко́в. **Ами́нь.**

### ЗАВЕРШЕНИЕ УТРЕНИ

Го́споди, помилуй. **12.**

Сла́ва, и ны́не:

**Стихи́ры на стихо́вне, глас 6:**

**Днесь Христо́с прихо́дит в дом фари́сеов, и жена́ грешница, приступи́вши к нога́м, валя́шеся вопи́юще: виждь погруже́нную грехо́м, отча́янную дея́ний ра́ди, негнуша́емую от Твоея́ бла́гости: и даждь ми, Го́споди, оставле́ние злых, и спаси́ мя.**

**Стих:** Исполнимомся за́втра ми́лости Твоея́, Го́споди, и возра́довахомся, и возвесели́хомся: во вся дни на́ша возвесели́хомся, за дни в ня́же смири́л ны еси́, ле́та в ня́же ви́дохом зла́я. И при́зри на рабы́ Твою́, и на дела́ Твою́, и наста́ви сы́ны их.

**Простре́ блудни́ца власы́ Тебе́, Влады́це, простре́ Иу́да ру́це беззако́нным: о́бва у́бо прийт́и оставле́ние, ов же взя́ти сребреники. Те́мже Тебе́ вопи́ем про́даному, и свобо́ждшему нас, Го́споди, сла́ва Тебе́.**

**Стих:** И бу́ди све́тлость Го́спода Бо́га на́шего на нас, и дела́ рук на́ших испра́ви на нас, и де́ло рук на́ших испра́ви.

**Приступи́ жена́ злосма́рдная и оскверне́ная, слёзы пролива́ющи, лю́бящи, Спа́се, страсть испове́дающи: ка́ко воззрю́ к Тебе́, Влады́це? Сам бо прише́л еси́ спасти́ блудни́цу: из глубины́ уме́ршую мя воскреси́, И́же Ла́заря воздви́гнувый из гроба́ четверодне́вна: приими́ мя, ока́янную, Го́споди, и спаси́ мя.**

**Стих:** Испове́мся Тебе́, Го́споди, всем се́рдцем мо́им, пове́м вся чудеса́ Твою́.

**Отча́янная жити́я ра́ди, и уве́домая нра́ва ра́ди, ми́ра нося́щая приступи́ Тебе́ вопи́юще: да не отве́ржеша́ мене́ блудную, Роди́выйся от Де́вы: да не прэ́зриши моя́ слёзы, Ра́досте А́нгелов. Но приими́ мя ка́ющуюся, ю́же не отрину́л еси́ согреша́ющую, Го́споди, вели́кия ра́ди Твоея́ ми́лости.**

Сла́ва, и ны́не:

**Самогласен, глас 8.**

**Творе́ние Касси́аны ино́кни:**

**Го́споди, и́же во мно́гия грехи́ впа́дшая жена́, Твое́ ощути́вшая Бо́жествó, мирно́сицы вземши́ чин, рыда́ющи ми́ро Тебе́ прэ́жде погребё́ния прино́сит, увы́ мне! глаго́лющи, я́ко но́щь мне е́сть разжже́ние блуда́ невозде́ржанна, мра́чное же и безлу́нное раче́ние греха́. Приими́ моя́ исто́чники слез, И́же облака́ми производи́ мору́я**

**вóду, приклоніся к моім въздыхáнием сердéчным, приклонівый Небесá, неизречéнным Твоім истощáнием: да обლობыжý пречыстей Твоій нóзе, и отру сия пáки главы́ моёй власы́, ихже в рай Ева, по полудни, шумом úши огласівши, страхом скры́ся. Грехóв моих мнóжества, и судéб Твоих бéздны ктó изслéдит? Душеспáсче Спáсе мой, да мя, Твою́ рабú, не прézриши, Їже безмёрную имéяй мýлость.**

**Блáго есть исповéдаться Гóсподеви, и пéти Їмени Твоемú, Вы́шний: возвещáти заўтра мýлость Твою́, и й́стину Твою́ на всяку ноць. Дважды.**

**Трисвятóе. Слáва и ны́не: Пресвятáя Трóице:  
Гóсподи, помýлуй, трижды. Слáва и ны́не: Óтче наш:**

**И тропáрь:**

**В хра́ме стоя́ще слáвы Твоея́, на Небесí стоя́ти мним, Богорóдице, Дверь Небéсная, отвэ́рзи нам двéри мýлости Твоея́.**

**Гóсподи, помýлуй. 40.**

**Слáва, и ны́не:**

**Честнэйшую Херувím и слáвнейшую без сравнénия Серафím, без истлénия Бóга Сло́ва рóждшую, сýщую Богорóдицу Тя величáем.**

**Моли́твами святых́ отéц нáших, Гóсподи Исусé Христé, Бóже наш, помýлуй нас. Амíнь.**

**Небéсный Царю́, véру утверди́, язýки укроти́, мир умири́, святый́ храм наш дóбре сохрани́: прэ́жде отшéдшыя отцы́ и брáтию нáшу в селéниях прáведных учини́ и нас в покая́нии и исповéдании приими́, я́ко Благый́ и Человеколю́бец.**

**Молитва святаго Ефрема Сирина:**

**Гóсподи и Влады́ко животá моего́, дух прáздности, уны́ния, любоначáлия, и празднослóвия не даждь ми. Земной поклон.**

**Дух же целомúдрия, смиренномúдрия, терпénия, и любвé, дáруй ми рабú Твоемú. Земной поклон.**

**Ей, Гóсподи Царю́, дáруй ми зрéти моя́ прегрешénия, и не осуждáти брáта моего́, я́ко благословén еси́ во véки векóв, амíнь. Земной поклон.**

**Тáже мáлых 12, глагóлюще в себé на кыйждо поклóн: Бóже, очы́сти мя грéшнаго.**

**И пáки: Гóсподи и Влады́ко животá моего́: всю до концá.**

**И поклóн едýн вели́кий.**

## ПЕРВЫЙ ЧАС

Приидите, поклонимся Цареве нашему Богу.

Приидите, поклонимся Христу, Цареве нашему, Богу.

Приидите, поклонимся и припадем Самому Христу, Цареве и Богу нашему.

### Псалом 5

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселится к Тебе лукавнуяй, ниже пребудут беззаконницы пред очима Твоима: возненавидел еси вся делающыя беззаконие. Погубиши вся глаголющыя лжу: мужа кровей и лстива гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льщаху. Суди им, Боже, да отпадут от мыслей своих, по множеству нечестия их изрини я, яко преогорчisha Тя, Господи. И да возвеселятся вси уповающии на Тя, во век возрадуются, и вселишися в них, и похваляться о Тебе любящии имя Твое. Яко Ты благословиши праведника, Господи: яко оружием благоволения венчал еси нас.

### Псалом 89

Господи, прибежище был еси нам в род и род. Прежде даже горам не быти и создаться земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут. Утро яко трава мимоидет, утро процветет и прейдет: на вечер отпадет ожестеет и изсхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьдесят лет, аще же в силах, осьмьдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою исцести? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся

дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправь на нас, и дело рук наших исправь.

### Псалом 100

Милость и суд воспою Тебе, Господи. Пою и разумю в пути непорочно, когда прийдеси ко мне? Прехождах в незлобии сердца моего посреде дому моего. Не предлагал пред очима моима вещь законопреступную: творящая преступление возненавидел. Не прильпе мне сердце строптиво, уклоняющегося от мене лукаваго не познах. Оклеветавшего тай искреняго своего, сего изгонях: гордым оком, и несбытым сердцем, с сим не ядах. Очи мои на верныя земли, посаждати я со мною: ходяй по пути непорочно, сей ми служаше. Не живяше посреде дому моего творяй гордыню, глаголяй неправедная, не исправляше пред очима моима. Во утрия избивах вся грешныя земли, еже потребити от града Господня вся делающыя беззаконие.

Слава, и ныне:

Аллилуия, аллилуия, аллилуия, слава Тебе Боже. **Трижды.**

Господи, помилуй. **Трижды.**

Тропарь, глас 6:

Заутра услыши глас мой, Царю мой и Боже мой. **Земной поклон.**

**Стих:** Глаголы моя внуши, Господи, разумей звание мое.

Заутра услыши глас мой, Царю мой и Боже мой. **Земной поклон.**

**Стих:** Яко к Тебе помолюся, Господи.

Заутра услыши глас мой, Царю мой и Боже мой. **Земной поклон.**

Слава Отцу, и Сыну, и Святому Духу.

И ныне:

**Богородичен:**

Что Тя наречем, о Благодатная? / Небо, яко возсияла еси Солнце Правды. / Рай, яко прозябла еси цвет нетления. / Деву, яко пребыла еси нетленна. / Чистую Матерь, яко имела еси на святых Твоих объятиях Сына, всех Бога. / Того моли спастися душам нашим.

Таже:

Стопы моя направи по словеси Твоему / и да не обладает мною всякое беззаконие. **Дважды.**

Избави мя от клеветы человеческия, / и сохрани заповеди Твоя. **Дважды.**

Лице Твое просвети на раба Твоего / и научи мя оправданием Твоим. **Дважды.**

Да исполнятся уста моя хваления Твоего, Господи, / яко да воспую славу Твою, / весь день великолепие Твое. **Трижды.**

Святый Боже, Святый Крепкий, Святый Безсмертный, помилуй нас. **Трижды.**

Слава Отцу и Сыну и Святому Духу, и ныне и присно и во веки веков. **Аминь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. **Трижды.** Слава, и ныне:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

**Кондак Великия среды, глас 4:**

**Паче блудницы, Блаже, беззаконновав, слез тучи никакоже Тебе принесох: но молчанием моляся припадаю Ти, любовьию обლობызя пречистеи Твоей нозе: яко да оставление мне, яко Владыка, подаси долгов, зовущу Ти, Спасе: от скверных дел моих избави мя.**

Господи, помилуй. **40.**

Иже на всякое время и на всякий час, на Небеси и на земли, покланяемый и славимый, Христэ Боже, Долготерпеливе, Многомилостиве, Многоблагодотробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградй нас святыми Твоими Ангелы, да ополчением

их соблюда́еми и наставля́еми, дості́гнем в соедине́ние ве́ры и в ра́зум непристу́пныя Твоея́ сла́вы, я́ко благослове́н еси́ во ве́ки веко́в, ами́нь.

Честне́йшую Херуві́м и сла́внейшую без сравне́ния Серафі́м, без ислéния Бо́га Сло́ва ро́ждшую, су́щую Богоро́дицу, Тя велича́ем.

Моли́твами святы́х оте́ц на́ших, Го́споди Иису́се Христé, Бо́же наш, поми́луй нас. **Ами́нь.**

### Молитва святого Ефрема Сирина:

Го́споди и Влады́ко животá моего́, дух пра́здности, уны́ния, любонача́лия, и праздносло́вия не даждь ми. **Земной поклон.**

Дух же целому́дрія, смиренному́дрія, терпе́ния, и любве́, да́руй ми рабу́ Твоему́. **Земной поклон.**

Ей, Го́споди Царю́, да́руй ми зрéти моя́ прегрешéния, и не осужда́ти брата́ моего́, я́ко благослове́н еси́ во ве́ки веко́в, ами́нь. **Земной поклон.**

Та́же ма́лых 12, глаго́люще в себе́ на кійждо поклóн: Бо́же, очисти мя грéшнаго.

**И па́ки: Го́споди и Влады́ко животá моего́: всю до конца́.**

**И поклóн еди́н вели́кий.**

**Трисвятбе́. Сла́ва и ны́не: Пресвята́я Трѳи́це:  
Го́споди, поми́луй, трижды. Сла́ва и ны́не: О́тче наш:**

**Го́споди, поми́луй. 12.**

**И молитву часа:**

Христé, Све́те И́стинный, просвещáяй и освяща́яй вся́каго челове́ка, грядúщаго в ми́р, да зна́менается на нас свет лица́ Твоего́, да в нем у́зрим Свет Непристу́пный: и испра́ви стопы́ на́ша к де́ланию за́поведей Твои́х, моли́твами Пречы́стия Твоея́ Ма́тере, и всех Твои́х святы́х. **Ами́нь.**

### Кондак Богородицы:

Взбра́нной Воево́де победíteльная, / я́ко избáвльшеся от злых, / благодарственная восписúем Ти раби́ Твой, Богоро́дице, / но я́ко имúщая держа́ву непобедíмую, / от вся́ких нас бед свободí, да зове́м Ти; / ра́дуйся, Невéсто Неневéстная.

**Сла́ва, и ны́не:**

**Го́споди, поми́луй. Трижды. Благослови́.**

### Отпуст

**Грядый, Господи, на вольную страсть нашего ради спасения, Христэ, Истинный Бóже наш, молитвами Пречыстыя Своея Матере и всех святых, помилуй и спаси нас, яко Благ и Человеколюбец. Аминь.**

Великаго господина и отца нашего Кирилла, / Святэйшаго Патриарха Московскаго и всея Русы, / и господина нашего высокопреосвященнейшаго **имярек**, / митрополита [**или́:** архиепи́скопа; **или́:** преосвященнейшаго **имярек**, епи́скопа] [**его́же есть о́бласть**], / настоятеля, бранию и прихожан святаго храма нашего, / домочадцы наша и вся правосла́вныя христиа́ны, / Господи, сохрани́ их на мно́гая лéта.